

KEPADA SAHABAT-SAHABATKU, SEMENANJUNG

KEDUDUKAN FAHAM DI ANTARA YANG MUDA DENGAN YANG TUA

Setengah daripada kesalahan yang melibatkan langkah kita menuju kemajuan, ialah kerana hendak kembali ke belakang juga. Sesungguhnya orang yang berfikir tidaklah puas dengan kepandaian yang ada pada zamannya. Kalau mata kita tidak dibuatkan dan telinga kita tidak ditulikan, sentiasa kita akan bertemu dengan hal-hal yang tidak menyenangkan hati. Banyak nampak yang mungkar yang salah, banyak nampak kekurangan, orang yang tiada jujur maju ke muka dengan tidak berasa malu orang muda tidak lagi hormat kepada yang tua maka terdengarlah bisik desus dan keluhan menyesali zaman itu mengutukinya.

Orang tua tidak puas orang muda pun tidak puas.

oleh
Al-Haj Abdul Malik Karim Amarullah
HAMKA
(VI)

perhubungan yang luar biasa ini telah mempercepat perbezaan

Orang tua menciterakan nikmat zaman yang telah lalu, yang telah hilang, dia bercitera kepada yang muda-muda tentang nikmat itu, masa kami dahulu, perempuan taat kepada suaminya anak taat kepada ayahnya. Rakyat taat kepada rajanya pemuda-pemuda zaman sekarang telah derhaka persatuan kami dahulu amat kukuh sekarang telah berubah!

Anak-anak murid pun tidak puas kepada zamannya, yang sekarang ini belum sempurna, dunia belum sebagaimana yang dicita-citanya dia ingin dunia yang adil dan makmur. Cita-citanya terbang membubung ke langit yang tinggi. Dia merasa terpenjara oleh keadaan yang ada keliling sekarang ini.

Sesungguhnya pertentangan faham muda dengan faham tua, terutama di zaman kita ini sangatlah memuncak. Banyak perkara-perkara yang menimbulkan pertentangan itu, baik di Indonesia atau di Semenanjung atau di bahagian dunia timur yang mana jua pun. Aliran fikiran baharu kecepatan

berfikir yang tua dengan muda barangkali kehidupan dan jalan berfikir ayah kita dengan nenek kita tidaklah sejauh jalan berfikir kita dengan ayah kita di zaman sekarang ini.

Saya melihat perubahan yang besar di Indonesia dan melihat pula perubahan di Semenanjung tiga puluh tahun yang telah lalu masih didapati orang Minangkabau masih berfikir terlingkup di sekeliling gunung Merapinya. Lima belas tahun yang telah lalu, pujangga Indonesia dari Langkat, Tengku Amir Hamzah (Pangeran Indera Putra) masih merasa dirinya anak dagang ketika belajar di Jawa, dan merasa dirinya anak Langkat putera Langkat putera Deli, putera Asahan sekarang hal itu hilang sesekali. Pemuda hanya ingat bahawa dia putera Indonesia. Padahal yang tua-tua yang masih hidup, ditanamkan di dalam jiwanya bahawa dia anak Langkat, anak Deli dan anak Aceh dan sebagainya.

Di Semenanjung pun demikian pula yang muda mimpikan Melayu Raya, Indonesia Raya. Tanah airnya luas sampai ke seluruh gugusan pulau-pulau Melayu tumpah darahnya, memuncak semenjak dari Singapura sampai Kepulauan Temasik. Sedang yang tua terikut oleh perasaan yang tertanam semenjak kecil: Putera Johor, Putera Pahang, Putera Selangor, Putera Negeri Sembilan—tentang ini sahaja sudah berlawanan pandangannya yang muda dengan yang tua!

Benarkah yang muda tidak mempercayai yang tua lagi?

Pemuda-pemuda di bawah umur 20 tahun, memang banyak yang telah hilang kepercayaan kepada yang tua, dan yang tua tidaklah boleh terburu-buru menampakan kesalahan kepada mereka melainkan lazimlah kira yang tua menilik kesalahan itu pada diri kita sendiri. Dahulu kala dikatakan bahawa kita mesti jujur! Mesti berkata terus terang. terlalu munafik, pada hal setelah Jepun masuk ke tanah air kita dalam seratus orang tua atau yang dituakan, mujurlah kalau ada satu orang yang jujur. Yang selebihnya pembongong munafik dan penipu. Baik ulama'-ulama', atau raja-raja, atau pemuka-pemuka bangsa: Di Indonesia atau di Semenanjung, terpaksa berdusta, berbohong mengatakan yang tidak sebenarnya. Sama sekali berlumba-lumba mengambil muka kepada Jepun, turut mendakyahkan "kemenangan akhir" turut mengibar-ngibarkan bendera 'Hinamaru' ketika menyebut kedatangan Jeneral Tojo. Nanti kalau pemuda-pemuda bertanya semuanya menjawab bahawa itu hanya main komedi sahaja. Tidak sebenarnya dari hati. Ingatlah pertemuan raja-raja di Syonanto ingatlah pertemuan ulama'-ulama' di Syonanto dan saya pun ikut pula! Saya mengaku terus terang.

Di Indonesia setelah Jepun kalah dan Belanda datang Rakyat serentak melawan, pemimpin dipaksa oleh rakyat nyatakan kemerdekaan Indonesia. Tetapi banyak pula yang menyerang dan berpihak kepada Belanda, membalaskan dendam kerana tidak mendapat kesempatan mengambil muka kepada Jepun! Dan di Semenanjung orang mengibar-ngibarkan bendera menyambut Jeneral Tojo dahulu,

mereka pulalah yang mengibar-ngibarkan bendera Union jika menyebut tentera British! Dan jubah-jubah yang dipakai ketika perjumpaan dengan Jepun dahulu, itu pulalah yang dipakai kembali menyambut tentera British dengan tidak ingat lagi apa sebenarnya mereka kerjakan!

Kalau kita ada kesempatan meninjau diri kita sendiri, bukankah kita yang tua-tua kadang-kadang tidak lebih Daripada badut dan lawak pada komedi opera yang kita kita memberikan tertawa kepada penonton, padahal kita sendiri yang patut kita tertawakan?! Bagaimanalah kalau kesalahan hanya kita tampakan pada pemuda yang kita-kita tidak taat lagi kepada raja kepada ulama kepada yang tua-tua padahal kita sahaja mengecil-ngecilkan kesalahan yang telah kita perbuat! Yang memang tidak patut ditaati! Kita dapat mengemukakan seribu satu alasan untuk membersihkan diri padahal bukankah hati kita sendiri mengatakan bahawa kita memang "terpaksa" berbuat salah?

Bagaimana kita akan menyesali pemuda-pemuda yang tidak berakhlak lagi, padahal akhlak kita pun telah runtuh?

-----*-----*-----

Di mana-mana baik di Indonesia atau di Semenanjung atau di mana-mana sahaja, orang tidak puas dengan zamannya. Sebab itu ada orang yang meratap mengingat masa dahulu, masa tuah kebesaran yang telah lama lampau. Lalu mereka hendak pulang ke belakang padahal dapatkah jarum sejarah disorotkan ke belakang? Matahari di kelilingi bumi, masa

SELAMAT HARI RAYA BASHARAHIL BROS.

IMPORTERS & EXPORTERS

101, Arab Street, Singapore- Phone 82468

Berniaga kain-kain batik, kain pelikat

Dan kain-kain sarung yang terkenal.

dihitung, tahun dihisab, dan wajah kita

dihadapkan Tuhan ke muka seukuran telapak kaki kita, menghadap kemuka dan tumit ke belakang, bukan sebaliknya.

Di dalam buku-buku Adab al-Arabiah saya sentiasa bertemu syair-syair yang menyesali zaman (Syaqaw al-Zaman) seribu tahun yang telah lalu telah ada orang menyesali zamannya, dua ribu tahun yang lalu pun ada tiga atau empat ribu tahun yang telah lalu pun ada yakni selama dunia berkembang; menjadi alamat bahawasanya putaran dunia yang dahulu tidaklah berubah dengan putaran dunia yang sekarang. Ada yang mengecewakan, ada yang tidak menyenangkan hati kita. Adakah dunia yang berputar itu yang salah? Atau kita yang tidak mahu mengakui aturan dunia?

Hanya satu aturan yang tetap di dalam seluruh alam Ini, ialah 'tidak tetap'. Dengan cara berkelakar saya pernah menulis di dalam buku saya "adat Minangkabau menghadapi ribulasi" iaitu "yang tidak lekang dek panas dan yang tidak lapuk dek hujan ialah batu". Perkataan saya itupun salah. Sebab batu itupun lekang dek panas lapuk dek hujan. Cuma lekang dan lapuknya itu menunggu waktunya juga. Tersebut alam, dia mesti lapuk dan dia mesti lekang, dia tetap mesti berubah.

Yang tidak berubah ialah zat yang tidak berubah-ubah iaitu Pencipta alam itu sendiri.

Oleh sebab itu, kalau kita hendak mencapai ketenteraman di dalam hidup, haruslah jiwa kita, kita taklukan kepada aturan yang tetap itu.

Dalam segala zaman ada yang baik dan ada yang buruk, ada yang manfaat ada yang mudarat, ada yang menyenangkan hati dan ada yang mengecewakan. Yang buruk tidak akan berubah kerana disesali dari jauh. Sebab pada hakikatnya buruk dan

baik itu ada di dalam diri kita sendiri.

Ahli-ahli tasawuf mempunyai sesuatu pepatah, iaitu: "*man arafa nafsih faqad arafarabbih*". Barangsiapa yang mengenal akan dirinya, nescaya akan kenal diri kepada Tuhannya.

Ibnu al-Qayim al-Jauziyah menerangkan ertinya dan faham pepatah ini di dalam kitab '*Madarij al-Salikin*': Bahawasanya jika seseorang memperhatikan dirinya sendiri, akan insaf ia akan kelemahan dirinya itu. Diri ini lemah, diri ini sentiasa diperdayakan syaitan. Diri ini dahulu tak ada—kemudian ada, akhirnya mati. Harta dunia kemegahan pangkat kebesaran, tidak ada yang kekal maka apalah ertinya kemegahan yang aku pertahankan, kedudukan yang aku bila: aku ini hanya manu bahagian yang kecil sahaja daripada alam yang besar, dan alam pun menuju keruntuhan, lalu ingatlah kita akan zat yang Maha Kuasa, yang Maha Esa, yang Kekal, yang Awal tidak Bermulaan, Akhir tidak Berkesudahan, yang tidak diikat oleh bilangan zamaan, dan tidak bertempat pada suatu tempat.

Mengapa kita selalu menyesali kesalahan orang lain! Padahal kita sendiri pun penuh kesalahan?

Tepat benar apa yang dikatakan Tuhan di dalam Al-Quran: *maasobakaminhasanatinfaminallah wamaasobaka min sayyiatin famin nafsik* (apa pun jua yang menimpamu daripada kebaikan adalah dari Allah. Dan apa jua pun yang menimpamu daripada kejahatan, adalah daripada dirimu sendiri).

Tidak ada orang yang puas dengan zamannya. Tetapi dunia berputar, alam tidak tetap dan mengetahui putaran zaman itu bukanlah dari 1371 pulang dari angka 1, tetapi dari 1 meningkat kepada angka 1371. Nabi Muhammad SAW telah meninggalkan pusaka yang sesuai dengan segala zaman dan nikmat. Marilah sesuaikan hidup kita kepadanya, jangan ia yang disesuaikan kepada hidup kita. Dan jangan dimulai perbaiki dari

luar diri kerana tidakkan hasil: Tetapi mulailah dari diri. Dan perbaikkan tidak terhasil kalau diperintahkan. Hanya berhasil kalau dikerjakan.

Baikkah zaman ini atau buruk? Jiwanya ada pada diri kita sendiri. Kalau kaca mata kita hijau, hijaualah alam kelihatan. Kalau kaca mata hitam, dia pun hitam pula. Di Indonesia banyak orang mengeluh katanya akhlak telah jatuh sekarang. Banyak penipu tetapi di dalam kerosakkan akhlak yang banyak itu, Indonesia merdeka juga. Kesulitan dapat diatasi. Tandanya bahawa di samping yang jahat itu ada juga yang baik! Dan masih banyak yang baik. Kalau jahat semua tentu Indonesia tidak dapat mengatasi kesulitannya.

Maksiat sekarang telah banyak! Tetapi alhamdulillah masjid tempat ramai disembahyangi orang. Nyayian-nyayian percintaan

berkumandang di radio. Tetapi dari radio alhamdulillah terdengar juga suara azan yang merdu. Bacaan al-Quran yang indah. Semuanya alamat bahawa Yang Baik dan Yang Mulia masih tetap ada.

Maka janganlah termenung-menung termangu-mangu melihat dan mendengar yang buruk, tetapi sangatlah terus dengan tidak ragu memasuki yang baik: dan mulai dari dirimu!

“Alaikum anfusakum la darrakum min dalla ada ihtaditum”

Mulailah dari dirimu, tidaklah akan memberi mudarat kepadamu orang yang tersesat kalau kamu telah dapat pertunjuk.

Sudah Siap!

Pesan Sekarang!

PELAYAN Cetak Ketiga

Senaskah \$ 1.20 Pos: 10 Sen



Comel, cantik dengan tetap waktunya, Rolex diperbuat mengikut Sebagaimana jenis yang dikehendaki sesuai dengan kehendak tuan.

Perkhidmatan Rolex.

Pekerjaannya ditanggung oleh pekerja-pekerja Rolex yang masyur dibilik “air condition” Rolex di nombor 18.H Bateria Road Singapura yang diketuai oleh seorang Eropah yang terlatih dengan pekerjaan-pekerjaan jam’ Swiss dengan menggunakan alat-alat yang baharu.

The BORNEO
Company Limited

Singapura- Kuala Lumpur- Ipoh- Penang
dan juga Kuching dan lain-lain cawangan di Brunei.